





第八七九册

四庫全書

●上海古籍出版社

本冊目次

說

郭(四)

明陶宗儀編……………一

第八十六冊

欽定四庫全書

子部
說郛卷五十四

評校官檢討臣羅國俊

員外郎臣牛稔文覆勘

總校官編修臣倉聖祿

校對官檢討臣龔大萬

謄錄監生臣胡金石

欽定四庫全書

說郛卷五十四

元 陶宗儀 撰

蜀構枕宋唐英

王建字光圖其先潁州鄆城後徙居填城龍眉廣願身長七尺與晉暉輩以剽竊為事被重罪繫許昌而獄吏縱之使出武當僧處洪謂曰子骨相異常貴不可言何自陷為盜感其言因隸軍於忠武而節度使杜審權拔列校從討王仙芝有功所乘馬死剖之得一小蛇於心間私

欽定四庫全書

卷五十四

自異之秦宗權處淮西募建補軍虞候廣明中僖宗大喜乃分其兵使建等五人主之號隨駕五都田令孜皆錄為假子駕還分典神策軍光啓元年令孜與河中王重榮有隙移鎮易定重榮遂舉兵向闕二年正月僖宗再幸興元以建為清道使負玉璽以從至當塗駟而顧寧李昌符朱孜等遣人焚棧道建翼僖宗過於煙焰中夜宿坂下僖宗枕建膝而寢賜以金券至褒中以建遙領壁州刺史令孜懼禍求為西川監軍以楊復恭代

為觀軍容使復恭慮建不附已出為利州防禦使十月駕還楊守亮鎮興元屢召建建疑圖已遂招募豪猾八千攻陷閬州殺楊行遷入據其城自稱刺史十一月昭宗即位陳敬瑄叛於成都迎建於東川顧彥朗膠固為患憂之令孜曰建吾子也可折簡召之遂與建曰中原固多事惟三蜀可以偷安陳公恢廓無疑同建大事吾父子輔之無不可也建大喜領兵趨成都敬瑄叅謀李又謂曰建為人姦雄狠顧久矣必不為人下若為將校亦非公之利建至東川敬瑄遣人止之建怒進攻破鹿頭入據漢州進攻成都顧彥朗懼建反戈相襲上表雪其罪建亦奏請擇大臣帥蜀乃召宰相韋昭度為成都尹割印蜀黎雅置永平軍於邛州以建為節度發兵迎昭度於劔門敬瑄不受代昭度於城東置行府以建為招討牙內都指揮使大順元年十月建度敬瑄垂敗心冀全蜀乃入白昭度曰相公興數萬之衆未有討叛之效而饋運不繼大衆驚然今關東藩鎮相啞圖傾國家社稷朝廷

欽定四庫全書

魏郭
卷五十四

二

姑息不暇相公為國大臣其心安忍不如東還以清中原此根本之策也劔外之事願以相委必不負驅策昭度猶豫未決建陰令軍士擒昭度帳下吏有駱保蒼保祿薦食之昭度懼乃以符節付建即日東還詔復敬瑄官令建罷軍歸邛州建不從急攻成都令孜懼登城與建語曰老夫與八哥素厚何苦相扼如此建曰建與軍容有父子之恩心何敢忘但太師負國而朝廷使建討之苟太師改心便可釋憾令孜與敬瑄議以勢不可敵其夕令孜携符印即建營授之翌日以成都讓建自稱留後表陳其事龍紀元年春制授成都尹西川節度監軍使知節度事管内觀察處置雲南八國招撫等使敬瑄廢處雅州以其子為刺史既行建遣段於三江令孜仍監其軍四月以令孜陰附鳳翔擒下獄餓死光化三年詔建私門立戰加中書令封琅瑯王四年封建西平王三年昭宗選長安建奉表貢茶布等十萬八月封建司徒蜀王四年八月朱全忠弒昭宗建率將吏百姓舉

欽定四庫全書

魏郭
卷五十四

三

哀制服七年全忠墓位改元開平巨人見青城山鳳凰見萬歲縣左右勸進三遜而後從九月僭即位號大蜀改元武成以王宗信為中書令章莊為散騎常侍判中書門下事唐道襲為樞密使任知元潘峭為宣徽南北院使王宗裕為太傅王宗侃為太保兼侍中以唐觀軍容嚴遵美為內侍監授唐室舊臣王進等三十二人官爵有差十月下旬詔改堂宇廳舍為宮殿具畧曰帝君之居上應辰象朝貢珍華英會同宮闕殿閣之深嚴臺省府寺之完壯須分名號以美觀瞻況我肇啟丕圖類有嘉瑞允協上玄之貺式光萬世之基至於廚殿之標題倉庫之曹列並宜從革用永惟新大衙門為宣德門師子門為神獸門大廳為會同殿毬場門為武門毬場廳為神武殿蜀王殿為承乾殿清風樓為書光閣西廳子為咸宜殿九頂堂為承乾殿會仙樓為龍飛樓西廳門為東上閣門廳子西門為西上閣門節堂南門為日華門庫角門為月華門萬里橋門為光下門竿橋門

為坤德門大東門為萬春門小東門為瑞鼎門大西門為乾正門小西門為延秋門北門依舊大玄門子城南門為崇禮門中隔門為神雀門東門為神政門西門為興義門鼓角樓為大定門北門為大安門中隔為玄武門昌橋為應聖橋舊宅為昭聖宮堂為金華殿庫訶池為龍躍池設廳為韶光殿軍資庫為國計庫衙庫為內藏庫衙內麴佑庫為濟天庫衙內雜庫為廣潤庫賞設庫為常盈庫賞設行庫為殿前庫南倉為天富倉膳軍東庫為左藏北庫倉為大倉甲狀庫為天富庫舊三使院為彰信門尚書省於舊使院置御史臺於府司置府城為皇城使防使司依舊兩馬步使為左右街使廂虞候為街巡使後槽飛龍殿客司馬客省使藥營為教坊使厨為御食戰門添置六戰三十六戰神策營為糧料司六軍為支計院成都府移在子城外逐穩便處置立府所司新曲宅為天啟宮為玉華殿武成二年正月祀南郊御樓肆赦以章莊為吏部侍郎張格為中書侍郎並

平章事因謂曰不恃權不行私惟至公是守此宰相之任也三月瀘州奏武部郎中張道古卒道古臨瀘人少文詞慕朱雲梅福之節景福中舉進士釋褐為著作郎遷右拾遺時播遷之後方鎮阻絕道古上疏言五危二亂七事責授施州司戶叅軍未幾以左補闕微由蜀赴闕陳田之亂乃更姓名賣卜於溫江建聞其名奏為節度判官又上建詩叙二亂五危事為同僚所嫉送茂州安置開國召為武部郎中至玉壘闕謂所親曰吾唐室諫臣終不能蹇蹠與難大同食今召還須再貶於此死之日葬我於關東不毛之地題曰唐左補闕張道古墓至蜀果不為時所容復貶茂州卒於路五月立周氏為皇后宗懿為太子十月講武星宿山步騎三十萬遂宴於行宮謂左右曰得一二如韓信而將之中原不足平也宗信跪曰臣雖不才自願可驅策兵部郎中張扶進曰陛下雄才大畧尚不能得岐隴尺寸之土宗信小子狂妄願陛下無以中原為意宗信憾之論厄人

置堇而毒殺之扶字子持廣都人博學善文凡書奏牋檄皆屬之贈諫議大夫制封諸子為王建十一子馬姬生宗仁白姬生宗輅陳姬生宗智宗特喬姬生宗傑褚姬生宗鼎宗澤宗平徐姬生衍撲殺晉國公王宗信本姓甘氏建未有子錄為養子以戰功累遷中書令特位隆功高所為不法連上表求為太子建勉諭令出而不肯去言詞甚悖因此衛士撲殺之三年六月下詔勸農桑曰昔劉先主入蜀武侯勸其開闢勸民十年而後舉兵震搖關內朕以猥眇托居人上爰念蒸民久罹干戈之苦而不暇力於農桑之業今國家漸寧民用休息其郡守縣令務在惠綏無侵無擾使我赤子樂於南畝而有幽風七月之詠焉八月吏部侍郎平章事韋莊字端已杜陵人見素之後乾寧中舉進士建奏為掌書記昭宗遇弒梁祖即位遣使諭興元節度王宗綽馳驛白建建謀興復莊以兵者大事不可倉卒而行乃為建答宗綽書其畧曰吾蒙主上恩有年

矣衣襟之上宸翰如新墨詔之中淚痕猶在大馬猶能報主而況人之臣子乎自去年三月東還連貢二十表而絕無一使之報天地阻隔叫呼何及聞上至數水臣僚及宮妃千餘人皆為汴州所宮及至洛果遭絃逆自聞此詔五內糜潰今兩川銳旅警雪國耻不知來使何以宣諭示此告勒令自決進退梁使遂還梁祖復遣使通好以建為兄莊得書笑曰此神克駑李密之意也建之開國制度號令刑政禮樂皆莊所定拜平章事卒有

欽定四庫全書

說部
卷五十四

八

浣花集二十卷十二月大赦改元永平

永平元年十一月周德權卒德權汝南人建之妻弟從建入蜀以戰功累遷眉州刺史梁祖既篡德權上表曰案識文李祐西王逢吉昌土德允與丹莫當李祐者唐王也西王者王氏興於西方也逢吉昌者逢字如殿下之名也土德坤維也允與亦西方也丹莫當者丹朱也言朱梁不敢與殿下抗也願稽合天命仰膺寶錄使天地有主人神有依建大悅曰成我者叔舅也建即位累

遷太保中書令卒贈太師

二年正月贈張魯扶義公諸葛亮安國王二月朔游龍華禪院召僧貫休坐賜茶華線段仍令口誦近詩時諸王貴戚皆賜坐貫休欲諷之因誦公予行曰錦衣鮮華手擎鸛聞行氣貌多輕忽艱難稼穡總不知五帝三王是何物建稱善貴倖皆怨之貫休本蘭溪人善詩與齊已齊名有西岳集十卷三月詔平章事張格專編纂開國以來實錄獲玉璞於田令孜之第以為國寶其文曰有德承天

欽定四庫全書

說部
卷五十四

九

其祚永昌八月什邡縣獲銅牌石記有唐昌之文改什邡為通計縣改太子名為元膺

三年七月太昌軍使徐瑤等謁太子元膺舉宮以叛儲君討之斬元膺瑤伏誅以行為太子瑤字伯玉長葛人從建入蜀勇猛善格鬪建初在章昭度幕府其兵皆文身黥黑衣裝詭異衆皆稱為鬼兵稱瑤為鬼魁建克成都瑤多污辱衣冠士女富人李希妻俞氏有異色瑤見而逼之俞氏曰吾夫嘗為鄉貢進士風流儒雅人比之

相如尚亦非我匹爾鬼兒也焉得無禮於我瑤仗劍謂曰而畏此乎俞氏曰吾寧死必不受辱瑤欲殺之左右謂曰城中婦人無限何必暴至於此遂壯而釋之

四年二月以太子衍判內外六軍事詔以東宮為崇賢府凡文學道德之士得以延納訪問重陽建出游寶歷寺后妃皆從其日宮女四人逃匿搜尋不獲明日得之乃寺僧誘之藏於民家與僧二十二人同斬於龜化橋十月內樞密使潘炕字凝夢其先河西人有氣量家人

欽定四庫全書

說部
卷五十四

十

未嘗見其喜怒哀樂於美妾解愁遂風恙成疾解愁姓趙以其母夢吞海棠花蕊而生頗有國色善為新聲及工小詩建嘗至炕第見之謂曰朕宮無此人意欲取炕曰此臣下賤人不取以塵於君其實靳之弟峭謂曰綠珠之禍可不戒邪炕曰人生貴於適意豈能愛死而自不足於心耶人皆服其有守其十二月御大安門受泰鳳階成之信大赦改元通正時將大霖雨禱于奇相之祠唐英按古史震蒙氏之女竊黃帝玄珠沉江而死為此神即

今江濟廟是也

通正二年正月梁遣使來聘二月翰林學士庾博昌辛博昌周義城庾信之後富文藻著金行啟運錄二十卷青宮藏筆記十五卷玉堂集二十卷三月弘農郡王晉暉卒暉許州人少有膽勇初與建為盜夜泊武陽古墓中聞人呼墓中鬼曰潁州設無遮會可同行否墓中應曰蜀王在此不得相從二人相會曰蜀王誰是也暉曰八哥狀貌有異於人必有不常之事建嘗與飲叙舊暉曰

欽定四庫全書

說部
卷五十四

十一

武陽墓中言果不誣耳建笑曰始念不及此卒建親往臨弔十一月大赦改元天漢元年國號改稱天漢以廣成先生杜光庭為戶部侍郎

天漢元年正月封張飛為靈應王鄧艾為彰順王張儀為昌化王五月初祀皇帝于南郊翌日祀皇帝於方丘六月賜百官飛霜凡十一月初祀昊天上帝於圓丘大風拔木幙帷皆裂改元光天依舊稱大蜀國

光天二年四月有狐舉於寢室鵲鵲鳴於帳中鵲鵲集

於摩訶池建因感疾甚篤召大臣賜坐示手書曰朕比遭亂離以干戈定秦蜀賴卿等忠勤夾輔遂正名號撫有神器兢兢業業懼不負荷幸賴天地之靈廟社之貺方隅底定民黎康樂二氣叶和五穀豐稔然以萬幾之大不免勤勞於夙夜感此一恙藥石弗救太子雖幼有賢德然次不當立卿等固請于外妃后亦甚篤愛勢不能違立為儲王勉力輔戴無墜我邦家之休又謂曰太子若不克荷但置之別宮選立賢者慎勿害之徐氏兄弟

欽定四庫全書

說部
卷五十四

十二

但優與俸祿以豐其家勿令掌兵以速其禍詔太子入侍疾六月建覺年七十二偽謚神武聖文孝德明惠皇帝廟高祖葬永陵

黃松子曰唐自廣明之亂天下凌遲姦猾亡命之徒據袂華眾於荏蒨之下而所在橫潰建於此時乃與晉暉輩據竊於許蔡之郊藏匿於墟墓之間其暴固不足以驚動郡縣及得罪被繫死在旦夕而孟彥暉縱之使去此獄吏知其必貴而祐之耶抑天為之耶遂能奮迹士

伍奔赴行在忠義感激誠貫白日執戈被銳翼衛乘與於烟焰之中具勤至矣巨閭猜忌自壁遭利遂舉兵據閨止謀自全之計洎陳田召而不納遂抗表請師猶有勤王之節而韋昭度章句書生柔雅醜藉非具有將帥之才駕馭之術建察其可取而代中以機智奪其符印遂摧敵克城節制全蜀而納貢建職道不絕使及梁祖受禪非有湯武高光之德建誓師雪耻而為岐隴所阻自視才畧不在梁下其肯降心俛首而為之臣耶因偕竊位號亦時使之然也觀其委任將佐擢用才智撫養士卒惠綏黎庶勸課農桑輕省徭賦臨終顧托至誠無疑前視劉儔可以無愧矣

欽定四庫全書

說部
卷五十四

十三

幸蜀記 宋居白

僖宗聰睿強記好馳騁諸色博弄無不周徧季年寵內
園小兒張浪狗好歌能舞纔十六七能數般馬被忽一
日浪狗曰臣無馬乘僖宗乃密與銀一百兩令自買之
其時聖駕自岐陽回長安少有好馬浪狗於諸處尋覓于雲
陽縣買得一疋浪狗本在宣徽南院安下僖宗日日獨
行浪狗院中聞買的馬自潛行看之此馬又未曾騎習
僖宗巡繞馬左右謂浪狗曰好馬好馬稱數徧其馬忽
欽定四庫全書 說部 卷五十四 十四

爾騰躍右足踏僖宗左脇使倒不醒浪狗驚惶將數銀
孟子尿灌僖宗口良久方蘇歸稱氣疾詔醫二十餘人
候脈用藥皆言是膀胱之氣並無瘳效其脇痛轉劇卧
十二日崩本因馬踏也

四月唐遣客省使嚴未駛入蜀軍以窺實虛其笏記略
曰伏自朱溫肆逆運屬昭宗三年痛別於西秦一旦迺
遷於東治誅殘南北焚蕪宮闈雖列藩悉是唐臣無一
處不從偽命由是大唐中興皇帝念高祖太宗之業條

爾慕張憤朱溫崔胤之徒同謀篡弑遂乃神幾迎發心
鼎獨然竭滄波而誓戮鯨鯢艾林莽而決除虎兇十年
對壘萬陣交鋒慮久困於生靈乃選練其死士才過汶水
搏王彥章於馬前旋入夷門斬朱友正於樓上劍霜未匣槍
雪猶揮段凝領八萬雄師倒戈伏死趙鼎知一人應運
引頸待誅遂使賊將歸心謀夫拱手取乾坤只勞八日
救塗炭遂定四維此詞亦頗壯也

成康元年正月朔受朝賀大赦改元三月衍朝永陵自
欽定四庫全書 說部 卷五十四 十五

為共巾民庶皆效之還宴怡神亭嬪妃妾妓皆衣道服
蓮花冠髻髻為樂夾臉連額渥以朱粉曰醉妝國人皆
效之

四月朔衍會羣臣舉觴不飲容色不悅特進顧在珣曰
臣聞主憂臣辱主辱臣死今陛下臨軒不樂臣願請罪
衍曰此有後唐南有蠻詔朕既不能弔伐彼又不為臣
予此所憂爾在珣曰朝廷有十臣在陛下何憂退而令
太手洗馬林罕者著十在文以進曰有只如者興王

木於禁中選驍雄於手下爰持斧鉞出鎮藩籬飾宮殿於選方命鸞輿而逮幸為釁之端為禍之原有王承休者摧挫英雄吹揚佞媚全無才智謬處腹心斷性命於戲玩之間幾仇讎於樞機之下有功勞而皆棄非賄賂而不行有求光嗣者受先皇之付囑為大國之棟梁既貪饕之人實非社稷之器有王宗弼者謬涉烟霄殊非謬謬與亂本則違章程之妙恣姦謀則事頗古之能必召傾亡尚居左右有韓昭者性懷慘毒又恣貪殘焚焚軍營要寬私第不顧喧騰於眾口惟思自任於心懷有歐陽見者酷毒害民市刑聚貨叨為郡守實負天恩瘡痍已偏於陽安蒙蔽半由於內密有田魯備者為君王之元舅受保傅之尊官但務奢華不思輔弼第宅迥同於上苑珍珠未滿於貪心有徐延瓊者出為留守入掌樞機無諤諤以佐君但唯唯而徇旨有景潤澄者搜求女色取悅宸襟常叨不次之恩每冒無厭之寵數對唯

謬於便捷佐時不識於經綸素非忠勤實為忝竊有嚴凝月者唱亡國之音銜超時之俊每為正現以翫聖明致君為桀紂之年使上乏唐虞之化任臣如此社稷何安衍覽之大笑賜在珣絲五百段加開封府在珣以絲之半遺罕罕字仲緘西江人博通經史除溫江主簿遷太子洗馬落托不羈文多譏刺執政惡之故不得用而卒

四月遊浣花龍舟綵舫十里綿亘自浣花潭至萬里橋遊人士女珠翠夾岸日正午暴風起須臾電雷冥晦有白魚自江心躍起變為蛟形騰空而去是日溺者數千人行懼即時還宮

重陽宴羣臣於宣華苑夜分未罷行自唱韓琬柳枝詞曰梁苑隋堤事已空萬條猶舞舊春風何須思想千年事誰見楊花入漢宮侍臣宋光溥咏胡曾詩曰吳王自恃兼雄才貪向姑蘇醉綠醕不覺錢塘江上月一宵西送越兵來衍聞之不樂於是宴罷

七月天富倉奏米中生蟲如小蜂尾後垂如米粒曳之而行

十月彗星見長丈餘在輿鬼之次司天言恐國家有大災宜修德以禳之詔於玉局北置道場以答天變右補闕張雲上疏言此是百姓怨氣上徹於天成此彗星彗者除舊布新之義此乃亡國之兆豈祈禳之可免衍起流於黎州雲唐安人立朝謬謂自比朱雲權倖多嫉之宜徽使景淵澄嘗謂曰昔朱雲請斬馬劍以腰斬張禹欽定四庫全書

說部
卷五十四

十八

今上方只有殺鷄刀卿欲用乎雲曰鷄刀雖小亦可斬羣狗淵澄憾之至是奏雲謫國遂有黎州之貶雲多病行至臨邛卒

六年正月禁民戴危腦帽其製狀中銳首拂之即墜

九月唐莊宗遣李稠來通好市珠玩錦綉衍不許以為落草莊宗怒曰衍豈免落草乎

韓昭字德華長安人行北巡以為文思殿學士京城留守判官多嘲諠云韓公凡事如僧剃髮無有寸長昭以

使佞恩傾一時出入宮掖太妃愛其美風姿而專有嬖陽之寵唐兵入蜀王宗弼與之有隙先捕而殺之梟首金馬坊百姓皆溺之

四月二日文明殿試制科白衣蒲嵩卿對策其略曰今朝廷所行皆一朝一夕之事公卿所陳者非乃子乃孫之謀黷偷目前之安不為身後之慮衣朱紫者皆盜跖之輩在郡縣者悉狼虎之人奸佞滿朝邪淫如市以斯求治是謂倒行執政皆切齒欲誅之行以其言有益權欽定四庫全書

說部
卷五十四

十九

為右補闕

三月禁百姓不得帶小帽衍好私行往往宿于倡家飲酒于樓索筆題曰王一來去恐人識之故令民間皆帶大帽

四月流軍使王承綱於茂州衍嘗私至承綱家悅其女有美色欲私之承綱有隙奏其出怨言故被貶女聞綱得罪剪髮求贖其罪不從乃自縊死

五月不雨至九月林木皆枯赤地千里肥遺見王氏開

國記以肥遺為畢鬼唐英按肥遺蛇名角上有火見則大旱非鬼也

五年三月上巳寓宴怡神亭婦女雜坐夜分而罷衍雜坐謁履交錯嘗召嘉王宗壽赴宴宗壽固持柅諫衍宜以社稷為念少節宴飲其言慷慨激烈衍有愧色倭臣潘左迎顧在珣韓昭等奏曰嘉王從來酒悲不足乃相與諧謔戲笑衍命宮人李玉蕭歌衍所撰宮詞侑宗壽酒宗壽懼禍乃盡飲之左迎曰嘉王聞玉蕭歌即飲請

欽定四庫全書

說部
卷五十四

三十一

以玉蕭賜之衍曰王必不納宗壽字永年王建之族子八月衍受道籙于苑中以杜光庭為真天師崇真館大學士光庭字賓至京兆杜陵人方干見之謂曰此宗廟中寶玉大圭也舉制科不中天台為道士信宗召見賜紫衣出入禁中上表乞遊成都隱青城山白雲溪卒於蜀年八十五顏貌如生世以為尸解有文千卷餘皆本無為之旨

九月詔置賢良方正博通經史明達吏治識洞兵機沈

滯邱園五科令黃衣選人白衣舉人投策就試吏部考較十月以韓昭為吏部侍郎昭受賂徇私選人詣鼓院訴之又嘲曰嘉眉邱屬侍郎骨肉遵江清城侍郎親情果閬三州侍郎自留巴達集聖侍郎不識衍一日聞言召而問之昭曰此皆太后太妃國舅之親亦臣之親衍為之默然衍字化源建幼子舊名宗衍八歲封鄭王為左奉駕軍使元膺死建以淮王宗輅類已又信王宗傑明敏有才欲選立之衍母徐氏有寵密以金百鎰遺宰相張格言

欽定四庫全書

說部
卷五十四

三十二

上已許衍為太子願相公助之格遂抗表言衍才氣英武允堪社稷之托遂得立開崇賢府置僚屬頗好論史賦詩即位年十八時梁貞明五年也立周氏為皇后十月詔選良家女二十人僞後宮十二月拜永陵詔以來年正月有事於南郊改明年為乾德元年以龍趾池為宣華池即摩訶池

二年八月衍北巡以宰相王鐸判六軍諸衛事旗幟戈甲百里不絕衍戎裝被金甲珠帽錦袖執弓挾矢百姓望

之驚相謂為灌口祇神復以宮人二十人從至漢州駐西湖與宮人泛舟奏樂飲宴彌月九月駐軍西縣自西縣還至益昌泛舟遊閨中母子皆衣錦綉行自製水調銀漢之曲日命樂工歌之郡民何康女妹有美色將嫁行取之賜其夫家百緡其夫一慟而卒

三年三月衍還成都五月宣華苑成延袤十里內起重光太清延昌會真之殿清和迎仙之宮降真蓬萊丹霞之亭土木之功窮極奢巧衍數于其中為長夜之飲

欽定四庫全書

說部
卷五十四

三

六月往大慈寺避暑觀明皇僖宗御容宴羣臣於華嚴閣下七夕與宮人乞巧於丹霞樓是月寢疾命子祖監國季良召術士周仲明問知祥壽仲明曰上合為真王食蜀中二十年祿既登九五於壽無益季良曰可為金膝乎曰此天數也非人力可為季良又問子孫壽何如曰二紀外有真人出天下一統二十六日知祥薨年六十一偽謚文武聖德英烈明孝皇帝廟號高祖葬和陵有道者自號醋頭手搗一燈藥所至處卓之呼曰不得登

登使倒至是人以為應知祥好學問性寬厚撫民以仁惠取衆以恩接士大夫以禮薨之日蜀人甚哀之

昶字保元知祥第三子母李氏雍順公主之甥生昶於大原大成初知祥迎入蜀累遷西川衙內馬步軍都指揮使

明德九年七月知祥寢疾以昶監國望日冊為太子知祥薨於柩前即位如季良司徒仁罕兼中書令判六軍事延德康侍中六軍副使張業檢校太尉李肇兼侍中

欽定四庫全書

說部
卷五十四

三

十月仁罕伏誅仁罕字德美陳留人十一月李肇以太子太傅致仕肇汝陰人二年二月尊母李氏為皇太后李氏長公主之甥嘗夢大星自天墜落其懷以告公主公主曰此婢有福相當生貴子乃令知府舍知祥乃館于徐延瑀之第延瑀即衍之舅衍嘗幸其第悅其華麗於壁上書孟字以戲之蓋蜀中以孟為不佞故也延瑀以紅紗籠之知祥見而笑曰疎狂霸主亦知我居此耶四月明宗即位十月加知祥檢校太傅兼侍中長興元

年二月南郊知祥加中書令改封其妻瑯華公主為福慶長公主薨朝廷遣使來歸賻冊贈晉國雍順長公主六月進封蜀王承制行賞諸將進秩有差九月葬長公主于星宿山四年二月命修墓禁樵採三月宴官僚於王氏宣華苑謂左右曰使行荒於政有賢嗣之繼及小子豈遽至此耶趙季良曰亦天時也不有所廢君何以與知祥大喜九月立三廟十一月明宗崩制服大臨五年正月白鵲集玉局化白龜遊宣華苑季良上表陳符

欽定四庫全書

說部

卷五十四

三十四

瑞率百官勸進曰將士大夫盡節効忠於殿下正望攀鱗附翼知祥曰德薄不足以承天命以蜀王而老於孤足矣季良曰早建大統以慰軍民推戴之心閏正月二十八日遂僭帝位其日大風晝冥以季良守司空平章事季仁罕為衛聖諸軍馬步軍指揮使趙廷隱張承為左右匡聖步軍都指揮使三月追尊曾祖佚為孝元皇帝廟號太祖察為孝景皇帝廟號世祖考獻為孝武皇帝廟號顯宗遣使持書至洛稱大蜀皇帝四月受玉冊

孟知祥字保胤邢州龍岡人為郡衙吏以咸通十五年甲午歲四月二十一日生有火光照室隣里皆異之有僧見而拊曰此五臺山靈也弱冠補太原衙內都指揮使克用鎮太原妻以其弟克讓之女累遷衙軍使天祐五年莊宗嗣晉王位改馬步軍教練使出知嵐州召為中門使莊宗與梁祖夾河頓兵知祥叅謀應變事無留滯中官屢以罪被誅知祥懼禍乃薦郭崇韜為副而辭疾補馬步軍都虞候莊宗即位於鄴除太原尹知留守事

欽定四庫全書

說部

卷五十四

三十五

同光三年十二月以知祥為成都尹劍南西川節度副大使朝于洛陽有司出內府帷幕珍玩館於宮中莊宗既疑崇韜有異志咸知祥誅之知祥曰崇韜國之勲舊必無二心俟其至蜀觀之如無他志即遣歸闕知祥知石壕中使馬彥圭承言往誅崇韜知祥自洛至蜀凡十七日時天成九年正月至則崇韜已被誅諸將洵洵知祥至矯制宣慰人心稍定初蜀人擊拂以初入為孟入又王氏宮殿皆題匠人孟得名姓及知祥至人以為先兆時魏